

州、甘州、亦集乃城，哈喇和林城。』由其所述路線，沙州以西完全經行漢之南道。蓋可失合兒即漢之疏勒，鴨兒看州即漢莎車，忽炭即于闐，已經東西學者考證無疑。唯培因漢無確地可指。斯坦因、玉耳均以爲即玄奘之媿摩城，今策勒一帶。唯沙海昂以爲培因即唐地志之播仙鎮，斯坦因考古記中之安得烈也。培因、播仙皆一聲之轉，（五）唯中國之考據家則以播仙即漢且末。陶保廉辛卯侍行記、新疆圖志、道路志均持此說，蓋新唐地志引賈耽道里記明云，『播仙鎮故且末城也。』現車爾成北有古城遺址，周十餘里，疑即播仙鎮遺址也。又安得烈圖志作安得悅，一名安多羅，即大唐西域記之覩貨邏，新唐書作故都邏，與安得邏音近而變也。據此是播仙不得謂即安得烈也。又培因後，又有車爾成州，車爾成即古且末，已爲一般學者所公認。車爾成既爲且末，應即唐之播仙鎮，故馬可波羅培因當另是一地。余頗贊成斯坦因等以培因爲唐玄奘媿摩城之說。斯坦因並指策勒北之兀宗塔迪遺址，即其故地。余按媿摩城與媿摩川有關。媿摩川應即今達磨戈之乾河，在舊達磨戈北約十里有古城遺址，街衢巷陌可辨，疑即唐之媿摩城。余曾在此掘拾漢五銖錢一枚，或即漢之扞彌城，亦即其地，兀宗塔迪尙在其西。陶片散布極廣，皆宋元間物。又拾西域古錢幣一枚，本地土人言爲古土耳其文，回教初來時所通用者。南有古墳，土人稱爲力濟阿特麻扎，爲回教初來時之始祖，戰死後即葬於此。旁卜拉克乾河附近有城基遺址，即元之培因城也。唯馬可波羅稱河中產碧玉及玉髓甚豐，今雖不見河中有玉，但于闐山中出玉石，俗稱岔子石，青玉亦出其中，古時由山上沖至河中，今仍埋於沙中，亦可能也。今由余與斯坦因實地所見，類皆一一吻合，不可懷疑。唯余以媿摩城尙在其東北，與培因州城非一地爲異耳。又關於忽炭至培因路程，沙海昂以爲培因至忽炭八日程，距車爾成五日程。今按新疆圖志道路志，克里雅至和闐五日程，尼雅至克里雅三日程，安得悅至尼雅四日程，車爾成至安得悅五日程。沙海昂以里程計算，故不取斯坦因兀宗塔迪之說，而以安得悅當之。但安得悅距和闐十六日程，亦與馬可波羅所述不合。如以里程計算，不如以尼雅爲培因州較合，因尼雅至培因州適八日程也。但余考馮承鈞轉譯沙海昂馬可波羅行紀稱：『培因州廣五日程，忽炭廣八日程。』乃指培因疆域言，並非言馬可波羅所